

ՌՈՒԲԵՆՅԱՆ ԹՈՐՈՍ ԻՇԽԱՆԻ ԴՐԱՄՆԵՐԸ*

Մ. Ե. ԿԱՐԱՊԵՏՅԱՆ

Հայատառ առաջին մետաղյա դրամները թողարկել են Կիլիկիայի Ռուբենյան իշխանները (1080—1198):

Կիլիկյան Հայաստանի թագավորության շրջանից մեզ հասած հազարավոր դրամների շարքում իշխանական դրամները խիստ հազվադեպ են, ուստի և պատահական չէ, որ մինչև օրս Ռուբենյանների իշխանական դրամների դաստիարակման մեջ վառ շատ ամփոփություններ: Դրամներն անթվագիր են և դա խիստ դժվարացնում է նրանց ճշգրիտ ժամանակագրության կազմումը: Հետևաբար իշխանական շրջանի յուրաքանչյուր նորահայտ դրամ գիտական արժեք է ներկայացնում՝ անհրաժեշտ դարձնելով կրկին անդրադառնալու այդ հարցին:

1968 թ. դրամագետ Խ. Ա. Մուշեղյանը Մոսկվայում, Սովետական Միության ժողովուրդների պատմության պետական թանգարանում ի հայտ բերեց Կիլիկյան խիստ հազվագյուտ մի դրամ¹: Թուրքս արձանագրությամբ, որը և այդօրինակ դրամների վերանայման առիթ հանդիսացավ: Իշխանական շրջանի դրամների առաջին օրինակները, ինչպես և հետաքրքրությունը նրանց նկատմամբ ի հայտ են եկել դեռևս XIX դ.: Նրանց անդրադարձել են Ղ. Այիշանը², Կ. Բասմաշյանը³, Մ. Նոթյանը⁴, Յ. Տեր-Ղազարյանը⁵, Պ. Կապանյանը⁶:

Սակայն նրանցից և ոչ մեկը Թուրքս արձանագրությամբ այժմ ներկայացվող տիպի դրամների վերաբերյալ տրոշակի կարծիք չէր կարող հայտնել, քանի որ դրանք դեռևս հայտնի չէին:

Իշխանական շրջանի դրամներով առավել հանգամանորեն զբաղվել է Զ. Պտուկյանը⁷, որն իր հրապարակած օրինակներից երկուսն իրավացիո-

* Հաղորդումը կարգացվել է 1969 թ. մայիսին ՍՍՀՄ ԳԱ հնագիտության ինստիտուտի սեսիայում:

1 Մեր խորին երախտագիտությունն ենք հայտնում Խ. Մուշեղյանին նյութը տրամադրելու և ուսումնասիրությանն աջակցելու համար:

2 Ղ. Այիշան, Սիսուան, Վենետիկ, 1885, էջ 378:

3 Կ. Բասմաշյան, Հայկական ընդհանուր դրամագիտություն, Վենետիկ, 1936, էջ 136:

4 Մ. Նոթյան, Հայ դրամագիտության համար (Բազմավեպ, 1930, № 4, էջ 167):

5 Յ. Տեր-Ղազարյան, Լեւոն իշխանի պղնձեայ կիսադրամը (Զվարթնոց, 1930, VIII, էջ 409, 410):

6 Պետր Մ. Կապանյան, Վենետիկի Միսիթարյան միաբանության ս. Ղազարոս թանգարանին հայկական հին դրամներու հավաքածոները (Բազմավեպ, 1952, № 7—9, էջ 155):

7 Զ. Պտուկյան, Ռուբենյան իշխաններու դրամները (Շանդհա ամսօրյա, 1965, ապրիլ-հունիս, էջ 261—270):

րեն վերագրում է Ռուսական թորոս Ա. իշխանին, հիշելով վերջիններիս առաձեռնից և արվեստից: 1968 թ. Զ. Պտուկյանը մեզ ուղարկեց նույնատիպ ևս մեկ նորահայտ դրամի պատճենը, որ ձեռք է բերել իր հոգվածը հրատարակելուց հետո:

Մեզ հետաքրքրող դրամների խմբին են պատկանում նաև Հալիպից 1967 թ. Հայաստանի պատմության թանգարանին Պ. Սապապլյանի ուղարկած մի շարք հայատառ դրամների լուսանկարներից երկուսը⁸:

Այսպիսով, թորոս արձանագրությամբ նույնատիպ դրամներից մեկ հայտնի դարձան հինգ օրինակներ: Դրանք են.

1. Առաջին երես. Դաշտի կենտրոնում պատկերված է հավասարաթև խաչ, վերցված կետավոր շրջագծի մեջ, որից դուրս բոլորաձև գրված է

ԹՈՐՈՍՄ...՝ կետավոր եզրագծով:

Երկրորդ երես. Կենտրոնում խաչ, թևերի տակ պատվագիր համառոտա-

դրութուններ՝ ձախից՝ **ՄԲ**, աջից՝ **ՊԹ** : Խաչը ներքևում ունի երկու

հյուղ՝ ամբողջությամբ պահպանված կետավոր եզրագծով: Պղինձ, քաշը՝ 2,33 գ, տրամագիծը՝ 18 մմ, կնիքի առանցքային ուղղութիւնն ուղիղ դեպի վեր: Հրապարակվում է առաջին անգամ⁹ (նկ. 1):

2. Առաջին երես. Դաշտի կենտրոնում պատկերված է հավասարաթև խաչ՝ վերցված կետավոր շրջագծի մեջ, որից դուրս բոլորաձև գրված է

Թ/ՈՐՈՍԻ՝ մասամբ պահպանված կետավոր եզրագծով:

Երկրորդ երես. Կենտրոնում խաչ, թևերի տակ պատվագիր համառոտա-

դրութուններ՝ ձախից՝ **ՄԲ**, աջից՝ **ՊԹ** : Խաչը ներքևում ունի երկու

հյուղ՝ մի մասում պահպանված կետավոր եզրագծով: Դրվագված է ալյ կնիքով: Պղինձ, քաշը՝ 0,75 գ, տրամագիծը՝ 17 մմ, պահվում է նյու-Յոքքում Զ. Պտուկյանի հավաքածուում, հրապարակված է¹⁰ (նկ. 2):

3. Առաջին երես. Դաշտի կենտրոնում պատկերված է հավասարաթև խաչ՝ վերցված կետավոր շրջագծի մեջ, արձանագրութիւնից պահպանված է

ԹՈ... Մ...

⁸ Վերոհիշյալ դրամների պատճենների և լուսանկարների համար հայտնում ենք մեր շնորհակալութիւնը դրամագետներ Զ. Պտուկյանին և Պ. Սապապլյանին:

⁹ Սովետական Միության ժողովուրդների պատմության պետական թանգարան, դրամ № 93207—215:

¹⁰ Զ. Պտուկյան, նշվ. աշխ., էջ 261—270:

Երկրորդ երես. Կենտրոնում խաչ, թևերի տակ պատվագիր համառոտ-
տագրություններ՝ ձախից՝ **ՄԲ**, աջից՝ **ՊԹ** : Խաչը ներքևում ունի

երկու ճյուղ, դրվագված է այլ կնիքով: Պղինձ, քաշը՝ 3,52 գ, տրամագիծը՝
17 մմ, պահպանում է 2. Պատկյանի հավաքածուում¹¹:

4. Առաջին երես. Դաշտի կենտրոնում պատկերված է հավասարաթև
խաչ՝ վերցված կետավոր շրջագծի մեջ, որից դուրս բոլորաձև դրված է

ԹՈՂՈՍ ՈՒ : Եզրագիծը ուղիղ է և պահպանված է մի փոքր մասում,

դրվագված է այլ կնիքով:

Երկրորդ երես. Կենտրոնում խաչ, թևերի տակ պատվագիր համառոտա-
գրություններ՝ ձախից՝ **ՄԲ**, աջից՝ **Պ** : ամբողջությամբ պահպան-

ված կետագիրը եզրագծով: Դրվագված է այլ կնիքով: Պղինձ, քաշը, տրա-
մագիծը, պահպանման տեղն անհայտ են (նկ. 3):

5. Առաջին երես. Դաշտի կենտրոնում պատկերված է հավասարաթև
խաչ՝ վերցված շրջագծի մեջ, որից դուրս բոլորաձև գրված է **ԹՈՂՈՂՈՍ...**: Եզ-
րագիծը պահպանված է մի մասում:

Երկրորդ երես. Կենտրոնում խաչ, թևերի տակ պատվագիր համառոտա-
գրություններ՝ ձախից՝ **ՄԲ**, աջից՝ **Պ** : Խաչը ներքևում ունի եր-

կու ճյուղ՝ մի մասում պահպանված կետավոր եզրագծով: Դրվագված է այլ
կնիքով: Պղինձ, քաշը, տրամագիծը և պահպանման տեղն անհայտ են (նկ. 4):

Այսպիսով, բոլոր հինգ դրամները տարբեր կնիքների դրոշմ են կրում,
թեև թե՛ առաջին և թե՛ երկրորդ երեսի համար ունեն պատկերատիպային
ընդհանրություններ: Նշենք, որ Ռուբենյանների իշխանական շրջանում թո-
ղարկված դրամներից առաջինը մեզ հայտնի բոլոր օրինակները պղնձից են,
հետևապես նրանք բավարարում էին ներքին առևտրի պահանջները: Լուսա-
նկարներից և եղած տվյալներից երևում է, որ նրանց տրամագծային տարբե-
րությունները շատ չնչին են (17—18 մմ): Արձանագրությունները գրված են
Կիրիկյան X—XII դդ. բնորոշ բոլորգրով, քիչ թեքությամբ: Դրամների սակա-
վությունը դժվարացնում է գրությունների վերջնական պարզաբանումը: Այդ
իսկ պատճառով անհրաժեշտ է հնարավորության սահմաններում ամբող-
ջացնել արձանագրությունների ընթերցումը, բացահայտել նշանագրերի նշա-
նակությունը՝ հաստատելով վերոհիշյալ **ԹՈՂՈՍ** գրությամբ դրամների պատ-
կանելիությունը Ռուբենյան Թորոս Ա իշխանին:

¹¹ Օգտվել ենք պատճենից, որի
վրա կա 2. Պատկյանի ընթերցումը

ԹՈ . . . ՄԲ /**ԹՈՂՈՍԻ ԷՌԲ**/

Նրկրորդ Երեսի խաչի ձախ թևի տակ եղած  նշանագիրը 2.

Պատկյանն ընթերցում է, որպես ՍՈՒՐՐ բառի կրճատված ձև¹², որը համո-
ղիչ չէ։ Տվյալ համառոտագրության երկրորդ տառի Բ լինելը որևէ կասկածի
տեղիք չի տալիս և երևում է դրեթե բոլոր օրինակների վրա։ Մինչդեռ Ս տա-
ռը կաղմող էլեմենտներից առաջինը ցած է իջնում, որը չի համապատասխա-
նում Ս տառի հայերեն գրեղծակին։ Մենք հակված ենք այդ տառն ընթերցել

կտրից, պատիվն ընդունելով որպես հայերեն Ռա () տառի առա-

ջին սյունի¹³, այսինքն այդտեղ առկա են երկու տառ, ՌԲ, որը ոչ այլ ինչ է, եթե
ու Ռուբեն անվան կրճատ ձևը։

Այս ենթադրությունը հաստատելու լավագույն օրինակ է հինգերորդ դրա-
մի վրա պահպանված նշանագիրը, ուր Ռա տառի առաջին սյունը ամբողջա-
կան է (նկ. 5)։

Խաչի աջ կողմի պատվագրված ՂԹ նշանագիրը, որը բոլոր օրինակների
վրա համեմատաբար լավ է պահպանված, մինչև օրս չի բացահայտված։ Այդ
նշանագիրը հանդիպում է XII—XIV դդ. մի շարք ձեռագրերում. ինչպես՝

ՂԻ—Աղավնի

ՄԹ—ամաթ

ԲԿ—ալրինակ

ՆԹ—անաթ

ԴՄ—անդամ

ՂԹ—աղաթ¹⁴

Իր նշանակությամբ ՂԹ նշանագիրը համապատասխանում է «աղաթք»
բառին։

Ա. Աբրահամյանը ուսումնասիրելով և դասակարգելով Կիլիկյան նշա-
նագրերը, նրանց ստեղծման 5-րդ սկզբունքին է վերագրում այն հապավում-
ները, որտեղ նշանագրի նախատառ է ընդունված բառի մի-ին տառերից որևէ
մեկը¹⁵։

Ելնելով դրանից դրամի երկրորդ երեսի վրա նշված նշանագրերը ՌՈՒ-
ԲԵՆԻ և ԱՂՈԹՔ կամ ԱՂՈԹՔՈՎ բառերի համառոտագրություններն են։

Դրամի առաջին երեսի վրա ԹՈՐՈՍ անունից հետո եկող տառերը պահ-

պանված ձևերով Ռ . . . Բ . . . Ի . . . Կ . . . ՈՒ . . .

չէին կարող ներկայացնել Ռուբենի անունը, քանի որ այն լրիվ գրելու համար

¹² 2. Պատկյան, նշվ. աշխ., էջ 263.

¹³ Բոլոր օրինակների վրա պատվանշանը դնելով հակառակ ուղղությամբ փորագրիչ վար-
պետները թերևս կամեցել են ցույց տալ Ռ տառի հակառակ կողմից գրված լինելը։

¹⁴ ՀՍՍՀ Մինիստրների Սովետին առընթեր Մ. Մաշտոցի անվան հին ձեռագրերի գիտա-
հետազոտական ինստիտուտի (Մատենադարան) ձեռագրեր № 2371, էջ 75—77, № 4149, էջ 365
— 368, № 2374, էջ 74—77ա։

¹⁵ Ա. Աբրահամյան, Հայ գրի և գրչության պատմություն, Երևան, 1959, էջ 154.

անհրաժեշտ էր ավելի մեծ տարածություն դրամի կլորակի վրա, իսկ ՌԲ կրճատված ձևը ընդունելու դեպքում այնտեղ գտնում ենք ևս երկու տառերի հետքեր և համապատասխան տարածություն: Ելնելով պահանջված տառաձևերից և միմյանց հաջորդող տարածությունից, հավանական է, որ այդտեղ եղել են ՈՐ(դի) գրերը և պետք է հասկանալ ՈՐԴի, մանավանդ, որ համառոտագրությունների ընթերցումը մեզ տալիս է Ռուբենի անունը երկրորդ երեսի վրա:

Այսպիսով, կարելի է դրամի երկու երեսի վրա եղած գրությունները ընթերցել «ԹՈՐՈՍ ՈՐԴի ՌՈՒԲԵՆԻ ԱՂՈԹՔՈՎ»:

Ռուբենը (1080—1095) Կիլիկիայի Հայկական իշխանության հիմնադիրն էր: Արևելքում ընդունված ձևով, Կիլիկիայում ևս միջնադարյան վիմագիր արձանագրություններում և ժամանակակից աղբյուրներում Ռուբենյան իշխանների ծագումը հետադարձ հաջորդականությամբ հիշատակում էին մինչև Ռուբենը, որպես հարստության հիմնադիր: Բերենք մի քանի օրինակ.

Անավարդայում զորավարաց եկեղեցու պատի վրա Թորոս Ա-ի արձանագրության մեջ կարդում ենք.

Ի ԿԱՄՍ ԱՄԵՆԱՍՈՒՐԲ ԵՐՐՈՐԴՈՒ-

ԹԵԱՆ ԵՍ ԹԷՈԹՈՍ... ՍԵՐԱՍՏՈՍ, ՈՐ-

ԴԻ ԿՈՍՏ... ՈՐԴԻՈՅ ՌՈՒԲԵՆԻ ՇԻՆԵՑԻ

ՋԵԿԵՂԵՑԻՍ... 16

Կիրակոս Գանձակեցին Թորոս Բ իշխանի մասին գրում է. «Այս Թորոս իշխան և եղբայր իւր Ստեփանէ որդիք էին իշխանին Լևոնի, որդւոյ Կոստանդեայ, որդւոյ Ռոբենայ...» և այլն¹⁷: Ինչպես տեսնում ենք Թորոս Բ իշխանը (1144—1168) հիշատակվում է մինչև հարստության հիմնադիրը՝ Ռուբենը:

Մատթեոս Ուռհայեցին 1120 թ. դեպքերը նկարագրելիս գրում է. «Յայսմ ամի զօրաժողով արարին զօրքն թուրքաց և մտին ի յաշխարհն Անաւարդա և արարին ասար զամենայն փրկիրն և զմարտապա, խակ մեծ իշխանն հայոց Թորոս՝ որդի Կոստանդեայ՝ որդի Ռուբենայ...» և այլն¹⁸:

Մեկ այլ տեղում Մատթեոս Ուռհայեցին Թորոս Ա իշխանին ուղղակի անվանում է ՈՐԴի ՌՈՒԲԵՆԻ, նա գրում է. «Իսկ ի թուականութեանն հայոց ի յամի ՇԾՁ [1117]... զորաժողով եղեալ ազգն պարսից երկոտասան հազար և անցեալ ընդ Տօրոս լեառն ի աւառառն, որ կոչի Անաւարդա և արար ասար զամենայն երկիրն Թորոսի՝ որդւոյ Ռուբենայ...» և այլն¹⁹:

Հետևաբար դրամի փոքրիկ տարածության վրա ՈՐԴի ՌՈՒԲԵՆԻ ձևի գործածությունը ավելի հնարավոր և ընդունելի ձև էր:


Կիլիկիայի հայկական պետության 8 իշխաններից միայն Թորոս Ա-ի գործունեությունն է սերտորեն կապված եղել եկեղեցաշինության հետ: Այդ մասին բավական տեղեկություններ են պահանջված պատմական աղբյուրներում և վիմագիր արձանագրություններում: Հայտնի է, որ հենց Թորոս Ա-ի

16 Ղ. Ալիշան, նշվ. աշխ., էջ 239:

17 Կիրակոս Գանձակեցի, Պատմութիւն հայոց, Վաղարշապատ, 1909, էջ 101:

18 Մատթեոս Ուռհայեցի, Ժամանակագրություն, Վաղարշապատ, 1898, էջ 316:

19 Նույն տեղում, էջ 305—306:



իշխանության շրջանում Անավարդալուս կառուցվում է Զորավարաց եկեղեցին, վերաշինվում են Սիսի մոտ Դրազարկի և Մաշկեվորաց եկեղեցիները²⁰ և այլն:

Թորոս Ա իշխանը վանքերի համար կատարում է մեծ նվիրատվություններ՝ զանազան արտոնություններ տալով հոգևորականությանը²¹:

Այդ փաստը մեկ անգամ ևս պատմականորեն արդարացնում է դրամի վրա եղած աղօթք բառի նշանագրային արտահայտությունը և հաստատում դրամը Թորոս Ա իշխանին վերագրելու հավանականությունը²²:

МОНЕТЫ КИЛИКИЙСКОГО КНЯЗЯ ТОРОСА

М. Е. КАРАПЕТЯН

Резюме

Первые монеты киликийского армянского государства были отчеканены князьями из рода Рубенян /1080—1198/. К сожалению, до нас дошло лишь несколько экземпляров, плохой сохранности, чем затрудняется их классификация и расшифровка.

В Государственном историческом музее Москвы хранится киликийская монета с армянской надписью «Торос», которая помогает пересмотреть некоторые положения, связанные с ее датировкой и прочтением.

По всей вероятности, она принадлежала князю Торосу I (1100—1123). Изучение надписей и монограмм на обеих сторонах монеты позволило прочесть: «Торос, сын Рубена, молитвами».

20 Ս մ մ է լ ի քահանայի Ա ն ե ց ո յ, Հավաքմունք ի դրոց պատմագրաց, Վաղարշապատ, 1893, էջ 121:

21 Նույն տեղում:

22 Այս հաղորդումը պատրաստ էր տպագրության, երբ ստացանք Զ. Պտուկյանի 1970 թ. հրատարակած «Three notes on Armenian coins» հոդվածը, ուր նա անդրադարձել է Ռուբենյան Թորոս իշխանի դրամին, նկատի ունենալով մեկ այլ օրինակ, որին հարկ է անդրադառնալ առանձին: